

Morning Regional Dogri News Bulletin, 03rd December 2024

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- प्रधानमंत्री नरेन्द्र मोदी होर अज्ज चंडीगढ़ च त्रै नमें अपराधिक कनूनें दी अमलावरी दी प्रगति बारे मुख्य गी अवगत करोआंगन।
- जल शक्ति जंगलात ते पर्यावरण मैहकमे दे मंत्री जावेद राणा होरें लोकें दे जीवन गी सखल्ला बनाने ते लोकें दे घरें तगर सेवाएं दी पुज्ज गी जकीनी करने पर जोर पाया।
- जम्मू कश्मीर च एचएडीपी गी बेहतर कारकरदगी लेई स्कॉच गोल्ड पुरस्कार कन्नै सम्मानित कीता गेआ ऐ।
- गैर कनूनी गतिविधिएं दी रोकथाम सरबंधी कनून तैह्त अनतंनाग च 5 करोड़ रपे दी संपत्ति गी बी जब्त कीता गेआ ऐ।

<><><><><><>

PM Modi

प्रधानमंत्री नरेन्द्र मोदी होर अज्ज चंडीगढ़ च 3 नमें अपराधिक कनूनें दी अमलावरी दी मजूदा स्थिति बारे राष्ट्र गी अवगत करांगन। एह् कनून भारतीय नागरिक सुरक्षा संहिता ते भारतीय साक्षय अधिनियम न। इस ब'रे 1 जुलाई थमां पूरे देश च लागू कीते गे। इनें कनूनें दा उद्देश्य न्याय प्रणाली गी होर मता पारदर्शी, कुशल ते सिमकालीन समाज दी जरूरते दे अनुकूल बनाना ऐ। कार्यक्रम दा विषय ऐ—सजा थमां न्याय आले बदलाव दी पछोकड़ै च सुरक्षत ते विकसित भारत कार्यक्रम दरान नमें कनूनें दे व्यावहारिक पैहलुएं उप्पर बी लोह पाई जाग। एह्दे राएं एह् स्पष्ट कीता जाग जे इनें कनूनें राएं अपराधिक न्याय च केह्ड़े बदलाव आए न।

<><><><><><>

Javed Rana

जंगलात, पर्यावरण, जनजातीय मामले दे जल शक्ति मैहकमे दे मंत्री रावेद अहमद राणा होरें इक बैठक दरान पुछ जिले च अधिकारिएं कन्नै बैठक लाइयै कम्में कारवाइएं दा जायजा लैता। जम्मू खित्ते दे बक्ख—बक्ख मैहकमें दे वरिष्ठ अधिकारिएं कन्नै बैठक लाई ते हर इक खित्ते दे पूरे पराते विकास दी जरूरता पर जोर पाया

खास करी उनें इलाकें दे विकास पर जिंदे पर पैहले मता ध्यान नेई दित्ता गेआ ऐ। जल शक्ति मैह्कमे सांबा च लग्गे दे ध्याड़ीदारें दे इक प्रतिनिधिमंडल नै अपनी मंगें ते समस्याएं बारे उनेंगी अवगत करोआया। उनें मंग कीती जे उंदे केई म्हीने थमां बकाया पेदे उजरत दी अदाशगी कीती जा। दक होर प्रतिनिधिमंडल नै जम्मू ते कश्मीर च घट्टोघट्ट उजरत सरबंधी कनून दी अमलावरी दी मंग कीती। मंत्री होरें सब्बने दिएं मंगें गी ध्यानै नै सुनेआ ते भरोसा दोआया जे उनें बकाया पेदे मामले दा नबेड़ा कीता जाग। उनें आखेआ जे पुट्टे गेदे मामलें गी सरबंधी मैह्कमे तगर पजाया जाग तां जे उंदा हल होई सकै।

<><><><><><>

HADP

राई-बाई दे पूरे पराते विकास सरबंधी प्रोग्राम जेहड़ा जम्मू कश्मीर दे इस राई-बाई दी पैदावार सरबंधी मैह्कमे दा मता महत्वै आला फ्लैगशिप प्रोग्राम ऐ, गी स्कॉच गोल्ड अवार्ड कन्ने सम्मानत कीता गेआ ऐ। इसगी एह सम्मान राई-बाई दे सेक्टर च स्कीम दी बेहतर ते कारगर ढंगै सिर अमलावरी ते बदजाव आले नतीजे लेई दित्ता गेआ ऐ। 5 ज्हार 13 करोड़ रपे दे इस प्रोग्राम तैहत 29 प्रोजेक्ट राई-बाई ते एहदे कन्ने जुड़े दे सेक्टर च चलाए जा'रदे न। एहदी शुरूआत थमां गै एहदे च लोकें दी खरी मती शमूलियत दिक्खने गी लब्बी ऐ ते एहदे तैहत 2 लक्ख थमां बद्ध पंजीकरण होए न ते 3.4 लक्ख दरखास्तां लग्गियां न। इस प्रोग्राम गी किसान संपर्क अभियान राएं बी बड़ा मता फायदा होआ ऐ। जम्मू कश्मीर दी 4 ज्हार पंचैतें च लगभग 9 लक्ख लोक एहदे तैहत आवा'रदे न।

<><><><><><>

Div.Com Doda

जम्मू दे डिवीजनल कमीशनर रमेश कुमार होरें पहाड़ी जिले डोडा दा दौरा लाया ते उत्थें राजस्व मैह्कमे दी विकास गतिविधिएं ते कम्मकाज दी व्यापक समीक्षा कीती। इस दरान डिवीजनल कमीशनर होरें सेहत ते शिक्षा गी बेहतर बनाने ते कम्में गी सबूरा करने च आवा'रदी चुनौतिएं गी हल करने पर जोर पाया। डोडा दे डिप्टी कमीशनर हरविंदर सिंह होरें जिले च लागू कीती जा'रदी बड़्डी विकास परियोजना, फ्लैगशिप, सरकारी स्कीमें ते कल्याणकारी पैहलकदमिं दी स्थिति पर लोह पाई। इस दरान बुनियादी ढांचे दे विकास, सेहत सरबंधी, शिक्षा, ग्रामीण विकास ते होरने प्राप्तीकरण आले क्षेत्रें बारे ताजा जानकारी दित्ती गई।

<><><><><><>

RNU Raising Day

आकाशवाणी दा क्षेत्रीय समाचार एकांश जम्मू औंदी 6 दिसम्बर गी अपना 54मां स्थापना दिवस मनाने जा'रदा ऐ। इस सिलसिले च एकांश केई सारे कार्यक्रमें दा आयोजन करै करदा ऐ। स्थापना दिवस आले रोज 6

दिसम्बर गी बड्डलै साङ्गे 9 बजे, 30एं मिंटे दा इक विशेष कार्यक्रम प्रसारत कीता जाहग जेह्दे च क्षेत्रीय समाचार एकांश दी भूमका, जिम्मेवारिएं ते कम्म करने दे तौर-तरीकें दे अलावा, इत्थे कम्म करी चुके दे अधिकारिएं कन्नै गल्लबात बी शामिल होग। आकाशवाणी दे स्थापना दिवस दे सरबंघै च अपने बदाई सनेह च मन्ने परमन्ने दे कवि शंभु राम प्यासा होरें आक्खेआ-

अपने कर्मिएं दी हौसला-अफजाई लेई, ऐकती स्थापना दिवस दे मौके पर उनें'गी सम्मानित बी कीता जाहग जिंदे च 2024 ब'रे दे बेह्तररीन समाचार सम्पादक, डोगरी ते गोजरी दे बेह्तररीन समाचार वाचक ते अनुवादक, बेह्तररीन जिला संवाददाता ते जनरल स्टाफ श्रेणी च बेह्तररीन कर्मी दे सम्मान शामिल न। इस मौके पर 2024 आले लोकसभा ते विधानसभा चुनाएं दरान आकाशवाणी दे विशेष कार्यक्रमें लेई सैद्योग ते जोगदान देने आहलें गी बी सम्मानित कीता जाहग। आकाशवाणी दे स्थापना दिवस दे सरबंघै च अंजुमें फरोग-ए-उर्दू दे संस्थापक अमीन बनिहाली होरें आक्खेआ-

<><><><><><>

Anatnaag Property

इक बड्डी कारवाई च अनंतनाग पुलसै नै गैर कनूनी गतिविधिएं कनून 1969 दी दफा 23 तैह्त् इक 2 मंलिजा रिहायशी संपत्ति गी जब्त कीता ऐ। एह् संपत्ति फिरदोस अहमद भट्ट दे नां पर पंजीकृत ऐ ते इसदी कीमत तकरीबन 5 करोड़ रपे ऐ। पुलस नै इक ब्याने च आक्खेआ ऐ जे एह् कारवाई इस क्षेत्र च गैर कनूनी गतिविधिएं दी जारी जांच च इक बड़ा मता महत्वै आला मील दा पत्थर साबत करा'रदी ऐ। एह्दे अलावा एह् कारवाई राष्ट्रीय सुरक्षा गी सतहें गी बेअसर करने ते शांति ते बवस्था बनाई रखने लेई अनंतनाग पुलस दी पक्की प्रतिबद्धता गी बी उजागर करदी ऐ।

<><><><><><>

Jaishankar Affairs Minister

विदेश मंत्री डॉ. एस.जयशंकर होरें निवेश सनें सब्बने महत्वचूर्ण आर्थिक फैसले गी राष्ट्रीय सुरक्षा दे नजरियै कन्नै दिक्खे जाने दी जरूरता उप्पर जोर दित्ता। नमीं दिल्ली च भारतीय उद्योग परिसंघ साझेदारी सम्मेलन 2024 गी संबोधत करदे होई डॉ. जयशंकर होरें गलाया जे अस तेजिया कन्नै लाह् ठोआने आले समें च आं। इससै लेई नीति निर्माताएं गी निवेश समें सब्बने आर्थिक फैसले राष्ट्रीय सुरक्षा हित्तें गी ध्यान च रक्खियै लैने लोड़चदे। उनें गलाया जे बपार च सतर्कता बरतनी लोड़चदी ऐ की जे विश्व च बपार ते बंड बिक्री दी रूपरेखा ऐसी ऐ जेह्दे च परम्परागत सावधानियां म्हेशां पर्याप्त नेई होंदी। डॉ. जयशंकर होरें गलाया जे विकास जकीनी बनाने लेई बसाह् भरोसे दी साझेदारी कन्नै कम्म करना लोड़चदा ऐ। उनें एह् बी गलाया जे इनें गैह् दा उद्देश्य भारत च आर्थिक मौकें गी पैदा करना ऐ। अमरीका भारत बारे गल्ल करदे विदेश मंत्री होरें गलाया जे अमरीका कन्नै भारत दा रणनीतिक मेलजोल समें कन्नै होर मजबूत होआ ऐ।



Kathua Horticulture(byte)

बागवानी ते योजना मैह्कमे नै कडुआ दे बरनोटी ब्लाक च अमला महिलाएं लेई इक जागरूकता शिविर दा सरिस्ता कीता। इस दरान महिलाएं गी फले ते सब्जिएं गी डब्बा बंद करने सरबंधी जानकारी दित्ती गई। बागवानी मैह्कमे दे माहिरें आस्सेआ महिलाएं गी डब्बा बंद करने, उंदे थमां जैम ते अचार बनाने बारे दस्सेआ गेआ। इस मौके पर बोलदे होई बागवानी ते योजना मैह्कमे दे निदेशक चमन लाल होरें आखेआ....बाईट



Director Agriculture

जम्मू दे कृषि निदेशक अरविंद सिंह रीन होरें आर.एस.पुरा दा दौरा लाया ते क्षेत्र जारी खेती बाड़ी परियोजनाएं दा निरीक्षण कीता। उनें अज्ज कल्लै दियां खेतीबाड़ी तकनीकें दे इस्तेमाल करी बढ़ावा देने पर बी जोर पाया। निदेशक होरें इस दरान मुंजी दी खुशखरीद मंडी दी ध्यानपूर्वक तरीके कन्नै समीक्षा कीती। मकामी करसानें लेई खरीद प्रक्रिया गी सुचारू बनाने ते इसदे सुधार लेई मार्गदर्शन बी कीता। इसदे बाद निदेशक होरें एचएडीपी तैह्कत जारी कीते गेदे हाई टैक पॉलीपार्क दा बी दौरा कीता। निदेशक होरें अज्जै कल्लै दिएं खेतीबाड़ी तकनीकें दे महत्व उप्पर जोर भरेआ तां जे करसानें गी एह्दा मता फायदा होई सकै।



Satish Sharma

युवा सेवाएं ते खेड्डें, सूचना प्रौद्योगिकी, विज्ञान ते प्रौद्योगिकी मंत्री सतीश शर्मा होरें अज्ज इस क्षेत्र दा व्यापक दौरा लाया जित्थें उनें विकास कम्में दा उद्घाटन कीता। मंत्री होरें आखेआ जे शिड़क रागता बड़ा मता जरूरी ऐ ते एह्दे इलाके दे सामाजिक आर्थिक विकास च महत्वपूर्ण भूमिका नभांदी ऐ। शर्मा होरें एह् बी दस्सेआ जे मते सारे विकास कम्में दा निर्माण इस खित्ते दी बेतरी लेई ते लोकें गी मता जाह् दोआने लेई कीती जा'रदी ऐ। मंत्री होरें मुत्तलका मैह्कमे दे अफसरें गी बी हिदायत जारी कीती ऐ जे ओह् कम्में दी गुणवत्ता गी जकीनी बनान ते समें सीमा दे अंदर कम्में गी सबूरा कीता जा।

